



Claudii Fleurii Abbatis Historia Ecclesiastica

Ab anno Christi 1652. usque ad annum 1662

Fleury, Claude

August. Vind. [u.a.], 1779

VD18 90119185

§. 80. Aliæ ejusdem Pontificis Constitutiones.

[urn:nbn:de:hbz:466:1-67372](#)

Sæc. XVII.
A. C. 1661.

§. LXXX.

Aliœ ejusdem Pontificis Constitutions.

Præter hasce Beatificationis literas *Bull. l.c.*

idem summus Pontifex hoc anno quasdam promulgavit Constitutiones, & quidem die prima Julii Clementis VIII. & Pauli V. Pontificum sanctiones confirmavit, quibus prohibitum, ne Fratres Ordinis Eremitarum S. Augustini ad consequendas dignitates & officia Principum vel aliorum extra Ordinem constitutorum favores & gratias requirant. Jam supra retulimus, ab *Vid. l. 204.* Alexandro VII. declaratum fuisse, quod §. 13. p. 462.

Cistercienses libere carnis vesci possint, nihilominus quidam ejusdem Ordinis Religiosi in Galliis Apostolica dispensatione circa usum carnium non utebantur, atque illos Religiosos & Abbates, qui carnis vescebantur, juxta statutum reformationis a Cardinale Rupifocaldio introductæ, incapaces declararunt, ne in generalibus comitiis in Præpositum eligerentur, vel illum eligere possent. Fervente autem circa hoc inter hujus Ordinis Abbates dissidio Capitulum Generale prorogatum est, postquam vero Helveticæ Reipublicæ Abbates Cisterciens ad hæc

comi-

Sæc. XVII. comitia properantes hac de re certiores facti sunt, ab his, aliquis Abbatibus desuper consultus Pontifex, die secunda Julii & decima sexta Januarii anni sequentis prohibuit, ne Abbates propter usum carnium ulla tenus ab ullo Ordinis officio excluderentur, ne etiam abstinentes ullo pacto in ceterorum monasteria abstinentiam hanc invehere tentarent.

§. LXXXI.

Quædam S. Congregationum decisiones.

Rota Rom. S. Congr. inerm. Rit. &c. Ex Sacrarum Congregationum Romanarum Constitutionibus, quæ hoc anno emanarunt, nonnisi paucas referemus, & quidem primo die quartæ Februarii in Rota, ut vocant, Romana decisum fuit, quod Recognitio Testamenti a Parocho, prævie Sacramento peracta non possit deservire ad effectum probationis ejusdem Testamenti. Die autem decima nona Julii S. Immunitatis Congregatio declaravit, quod censuratus, qui ob paupertatem non habet, unde possit redintegrare, facta obligatione juratoria de satisfaciendo, si ad meliorem fortunam pervenerit, absolvatur. Denique a S. Rituum Congregatione statutum est die vigesima

Se-